




Tataiso ena ya lekgetho ya SARS ke kgutsufatso ya lesedi le bohlokwahadi le mabapi le makgetho, dikgafa le dilevi bakeng sa 2025/26.

LEKGETHO LA LEKENO: BATHO KA BOMONG LE DITHRASTE

Dikgahla tsa lekgetho ho tloha ka la 1 Tlhakubele 2025 ho isa ho la 28 Hlakola 2026:

Batho ka bomong le dithraste tse ikgethang

Lekeno le Kgethiswang (R)	Sekgahla sa Lekgetho
1 – 237 100	18% ya lekeno le kgethiswang
237 101 – 370 500	42 678 + 26% ya lekeno le kgethiswang le ka hodimo ho 237 100
370 501 – 512 800	77 362 + 31% ya lekeno le kgethiswang le ka hodimo ho 370 500
512 801 – 673 000	121 475 + 36% ya lekeno le kgethiswang le ka hodimo ho 512 800
673 001 – 857 900	179 147 + 39% ya lekeno le kgethiswang le ka hodimo ho 673 000
857 901 – 1 817 000	2351 248 + 41% ya lekeno le kgethiswang le ka hodimo ho 857 900
1 817 001 le ka hodimo	644 489 + 45% ya lekeno le kgethiswang le ka hodimo ho 1 817 000

Dinyehlisetso

Tsa mantlha R17 235

Tsa bobedi (Batho ba dilemo di 65 le ho feta) R9 444

Tsa bobedi (Batho ba dilemo di 65 le ho feta) R3 145

Dilemo

Ka tlase ho 65 R95 750

Dilemo tse 65 ho isa ho tse ka tlase ho 75 R148 217

Dilemo tse 75 le ho feta R165 689

Moedi wa Lekgetho

Dithraste ntle le dithraste tse ikgethang: sekgahla sa lekgetho sa 45%

Lekgetho la Nakwana

Molefalekgetho wa nakwana ke motho ofe kapa ofe ya fumanang lekeno leo e seng moputso, alawense kapa tjhelete e lefellowang pele ke ya mo oka-metseng; kapa lekeno ka tsela ya moputso ho tswa ho mongamosebetsi ya sa ngodiswang. Motho ha a angwe ke ho lefa lekgetho la nakwana ebang a sa etse kgwebo efe kapa efe mme motho ya jwalo lekeno la hae le kgethiswang:

- le sa tlo feta moedi wa lekgetho wa selemo sa lekgetho; kapa
- la tswala, di-dividente, di-dividente tsa matjhabeng, rente ho tswa khirisong ya thepa e sa tsamayeng le moputso ho tswa ho mongamosebetsi ya sa ngo-diswang e tla ba R30 000 kapa ka tlase selemong sa lekgetho.

Mafa a ba hlokahetseng ha se karolo ya balefalekgetho ba nakwana.

Melemo ya Kgulo ya Tjheletehadi ya Letlole la Peho ya Meja Fatshe

Lekeno le kgethiswang (R)	Sekgahla sa lekgetho
1 – 27 500	0% ya lekeno le kgethiswang
27 501 – 726 000	18% ya lekeno le kgethiswang le ka hodimo ho 27 500
726 001 – 1 089 000	125 730 + 27% ya lekeno le kgethiswang le ka hodimo ho 726 000
1 089 001 le ka hodimo	223 740 + 36% ya lekeno le kgethiswang le ka hodimo ho 1 089 000

Melemo ya ho hulwa ha tjheletehadi ya letlole la peho ya meja fatshe di kentse tjheletehadi ho tswa pensheneng, polokelong ya penshene, poloke-lo ya letlole la peho ya meja fatshe ha ho etswa kgulo (ho kenyeleditswe le dintlha tsa taelo ya tlhalano).

Lekgetho le hodima molemo o itseng wa ho hulwa ha tjheletehadi ya letlole la peho ya meja fatshe (bokaalo ka kakaretso ba X) bo lekana le:

- lekgetho le fumanweng ka ho sebedisa tafole ya lekgetho hodima bokaofela ba bokaalo ba kakaretso ba X, mmoho le melemo yohle e meng ya dikgulo tsa tjheletehadi ya letlole la peho ya meja fatshe tse hlommeng ho tloha ka Tlhakubele 2009, melemo yohle ha ho beha meja fatshe e hlommeng ho tloha ka Mphalane 2007, mmoho le melemo yohle ya ho itokolla mosebetsing e hlommeng ho tloha ka Tlhakubele 2011; ho tlositswe
- Lekgetho le fumanweng ka ho sebedisa tafole ya lekgetho hodima bokaofela ba bokaalo ba kakaretso ba melemo yohle ya dikgulo tsa tjheletehadi ya letlole la peho ya meja fatshe tse bokelletsweng pele ho bokaalo ba kakaretso ba X ho tloha ka Tlhakubele 2009, melemo yohle ya tjheletehadi ya letlole la peho ya meja fatshe e hlommeng ho tloha ka Mphalane 2007, mmoho le melemo yohle ha ho itokolla mosebetsing e bokelletsweng ho tloha ka Tlhakubele 2011.

Melemo ya Kgulo ya Tjheletehadi ya Letlole la Peho ya Meja Fatshe kapa Melemo ya Tlohelo ya Mosebetsi Pele ho Nako

Lekeno le kgethiswang (R)	Sekgahla sa lekgetho
1 – 550 000	0% ya lekeno le kgethiswang
550 001 – 770 000	18% ya lekeno le kgethiswang le ka hodimo ho 550 000
770 001 – 1 155 000	39 600 + 27% ya lekeno le kgethiswang le ka hodimo ho 770 000
1 155 001 le ka hodimo	143 550 + 36% ya lekeno le kgethiswang le ka hodimo ho 1 155 000

Melemo ya tjheletehadi e kentse bokaalo ho tswa pensheneng, polokelong ya penshene, poloke-lo ya letlole la peho ya meja fatshe ka nako ya lefu, peho ya meja fatshe kapa phediso ya mosebetsi ka lebaka la ho fihla dilemong tse 55, ka lebaka la bokulo, kotsi, temalo, ho hloleha ho phetha mosebetsi, boemo ba ho se hlole ho hlokeha ditshebeletso tsa hao kapa phediso ya kgwebisano ya mongamosebetsi.

Melemo ya ho dihela mosebetsing e kentse ditjheletehadi tse tswang kapa tseo ho ya ka ditlhophiso le mongamosebetsi ka lebaka la tlohelo, phediso, tahlehe-lo, ho nena ho hlakolwa kapa tlhophisobotjha ya ofisi ya motho kapa khiri.

Lekgetho le hodima molemo o itseng wa tjelelehadi ya letlole la peho ya meja fatshe kapa molemo wa ho dihela mosebetsing (bokaalo ka kakaretso kapa molemo wa ho dihela mosebetsing wa Y) o lekana le:

- Lekgetho le fumanweng ka ho sebedisa tafole ya lekgetho hodima bokaofela ba bokaalo ba kakaretso ba Y mmoho le melemo yohle e meng ya ditjelelehadi tsa letlole la peho ya meja fatshe tse bokelletsweng ho tloha ka Mphalane 2007 mmoho le melemo yohle ya dikgulo tsa ditjelelete tse bokelletsweng ho tloha ka Tlhakubele 2009 mmoho le melemo yohle ha ho dihela mosebetsing e bokelletsweng ho tloha ka Tlhakubele 2011; ho tlositse
- Lekgetho le fumanweng ka ho sebedisa tafole ya lekgetho hodima bokaofela ba bokaalo ba kakaretso ba melemo yohle ya letlole la peho ya meja fatshe e hlommeng pele ho bokaalo ba kakaretso ba Y ho tloha ka Mphalane 2007, le melemo yohle ya kgulo ya tjelelehadi ya kakaretso tsa letlole la peho ya meja fatshe e hlommeng ho tloha ka Tlhakubele 2009, mmoho le melemo yohle ha ho dihela mosebetsing e hlommeng pele ho molemo wa ho dihela mosebetsing wa Y ho tloha ka Tlhakubele 2011.

Melemo ya Kgulo ya Dipolokelo

Ka la 1 Loetse 2024 ho ile ha qalwa ka mokgwatshebetso o motjha wa peho ya meja fatshe o etsang hore kabelo e be metjha e mmedi, ya peho ya meja fatshe, ya polokelo le e hlommeng. Kgulo efe kapa efe ho tswa karolong ya polokelo e kgethiswa ho latela sekgahla sa lekgetho sa setho.

Di-dividente

Di-dividente tse fumanweng ke batho ka bomong ho hlaha dikhampaning tsa Afrika Borwa, ka kakaretso ha di angwe ke lekgetho la lekeno empa lekgetho la di-dividente la sekgahla sa 20% le hulwa ke ditheo tse lefang di-dividente tsena ho batho ka bomong ba bona. Di-dividente tse fumanweng ke batho ka bomong jwalo ka baahi ba Afrika Borwa ho tswa ho REIT (dikhampani tse nang le meaho/thepa tse ngodisitsweng le tse tsamaiswang ka molao) di lokela ho lefa lekgetho la lekeno mme bao e seng baahi mme ba fumana di-dividente tse jwalo, ba angwa feela ke ho lefa lekgetho la di-dividente.

Di-dividente tsa Matjhabeng

Boholo ba di-dividente tsa matjhabeng tse fumanweng ke batho ka bomong ho tswa dikhampaning tsa matjhabeng (moo seabo sa bona khampaning ena ya matjhaba se leng ka tlase ho 10%) di lefiswa lekgetho la sekgahla sa ho fihla ho 20%. Ha ho dikgulo tse dumelletsweng bakeng sa ditshenyehelo tsa ho hlalishwa ha di-dividente tsa matjhabeng.

Ho se amehe ho mabapi le tswala

Tswala ho tswa mohloding wa Afrika Borwa o fumanweng ke motho ho ya ka tlhaho ya ka tlase ho dilemo tse 65, ho fihlela ho R23 800 ka selemo, le bathong ba dilemo tse 65 le ho feta, le ho fihlela ho R34 500 ka selemo, ha e angwe ke lekgetho la lekeno. Tswala e fumanweng ke bao e seng baahi bao e leng hore

ha ba yo Afrika Borwa nakong ya bonnyane ba matsatsi a 183 dikgweding tse 12 pele ho hloma tswala le sekoloto seo tswala e tswang ho sona, ha e amane ka ho phethahala le sebaka sa ho ya ho ile (se kang sebaka se tsepameng sa kgwebo) e Afrika Borwa, tswala ena ha e angwe ke tefo ya lekgetho la lekeno.

Dikgulo

Dikabelo tsa letlole la peho ya meja fatshe

Bokaalo bo lefilweng ho penshene le ho matlole a peho ya meja fatshe ka nako ya selemo sa hlahlobo bo ka kgona ho hulwa ke ditho tsa matlole a jwalo. Bokaaalo bo nyehetsweng ke beng ba mosebetsi mme bo lefisitswe lekgetho jwalo ka melemo ya mosebetsing bo nkuwa e le dikabelo tsa mosebetsi ka mong. Kgulo e na le moedi wa 27.5% ya boholo ba bokaalo ba moputso bakeng sa tse mabapi le lekgetho la basebetsi kapa lekeno le lefiswang lekgetho (ka bobedi di sa kenyeletsa ditjhelehadi tsohle tsa letlole la peho ya meja fatshe le melemo ya ho dihela mosebetsing). Kgulo e boela e na le moedi o trasana ho R350 000 kapa 27.5% ya lekeno le lefiswang lekgetho pele ho kenngwa kuno ya tjhelete e lefiswang lekgetho. Dikabelo dife kapa dife tse fetang meedi di nkelwa pele hanghang ho ya selemong se latelang sa hlahlobo mme di nkuwa e le tse tlang ho nyhelwa selemong seo se latelang. Bokaalo bo nkelwang pele bo fokotswa ke dikabelo tse tswang ditjheletehading tsa letlole la peho ya meja fatshe.

Ditshenyehelo tsa kalafo le boqhwalala

Ho fumana lekgetho le lokelang ho leshwa, batho ka bomong ba dumelletswa ho hula:nyehlisetso ho itshetlehlilwe hodima:

- Dikabelo tsa kgwedi ka nngwe tsa dikema tsa kalafo ka motho ka bomong ba hae ya lefileng dikabelo tsa ho fihla ho R364 bakeng sa batho ba babedi ba pele ba akareditsweng ke dikema tseo tsa kalafo, le R246 bakeng sa moitshetlehi ka mong wa tlatsetso. Nyehlisetso ena e bitswa khrediti ya ditefiso tsa sekema sa kalafo; mme moo:
- Motho ya dilemo tse 65 le ho feta, kapa motho ka bomong, molekane wa hae, kapa ngwana wa hae e le motho ya qhwadileng, 33.3% ya paloyohle ya ditshenyehelo tsa kalafo tse amehang tse lefilweng ke motho eo mmoho le bokaalo bo lefilweng ke yena ho sekema sa kalafo e le dikabelo mme bo feta dikhrediti tsa ditefiso tsa sekema sa kalafo makgetlo a mararo bakeng sa selemo seo sa lekgetho; kapa
- Motho ofe kapa ofe e mong, 25% ya bokaalo bo lekanang le paloyohle ya ditshenyehelo tsa kalafo tse amehang tse lefilweng ke motho eo mmoho le bokaalo bo lefilweng ke yena ho sekema sa kalafo e le dikabelo mme bo feta dikhrediti tsa ditefiso tsa sekema sa kalafo makgetlo a mane bakeng sa selemo seo sa lekgetho; empa ho itshetlehlilwe hodima moedi wa bokaalo o sa feteng 7.5% wa lekeno le lefiswang lekgetho (ho sa kenyeletswa ditefo tsa tjhelete yohle ya letlole la peho ya meja fatshe le melemo ya ho tlohela mosebetsi pele ho nako).

Nyehlisetso ena e bitswa ditefiso tsa tlatsetso tsa khrediti ya lekgetho la kalafo.

Dinyehelo

Dikgulo tse mabapi le dinyehelo tse etsetswang mekgatlo e itseng e tswelang setjhaba molemo di na le moedi wa 10% wa lekeno le kgethiswang (ho sa kenyeletswa ditefo tsa tjheletehadi ya letlole la peho ya meja fatshe le mele-mo ya teng). Bokaalo ba dinyehelo bo sa feteng 10% ya lekeno le kgethiswang bo nkuwa e le nyehelo e etsetswang mekgatlo e amehang e tswelang setjhaba molemo ka selemo se latelang sa lekgetho.

Dialawense

Dialawense tsa tshehetso le tjhelete e lefellowang pele

Moo moamohedi a tlamehang ho sesa bonnyane bosiu bo le bong hole le lehae la hae kapa bodulo ba hae ba tlwaelo ka lebaka la kgwebo mme phumantsho ya bodulo bo jwalo bo angwa ke alawense kapa tjhelete e lefellowang pele bo le ka hara Rephablike ya Afrika Borwa mme alawense kapa tjhelete eo e lefellowang pele e fumaneha ho lefella:

- Dijo le ditjeo tse amanang le tseo, bokaalo ba R570 ka letsatsi bo nkuwa e le bo sebedisitsweng; kapa
- Ditjeo tse amanang le tseo feela, bokaalo ba R176 ka letsatsi bo nkuwa e le bo sebedisitsweng.

Moo bodulo boo alawense kapa tjhelete e lefellowang pele bo amanang le bona bo le ka ntle ho Rephablike ya Afrika Borwa, bokaalo bo itseng ho ya ka naha ka nngwe bo nkuwa e le bo sebedisitsweng. Dintlha tsa bokaalo bona di phatlalatswa websaeteng ya SARS (www.sars.gov.za) tlasa Legal Counsel (Keletso ya Molao) / Secondary Legislation (Molao wa Bobedi) / Income Tax Notices/2025/ Notice 4458, (Ditsebiso tsa Lekgetho la Lekeno), tse phatlaladitsweng ka la 1 Tlhakubele 2024.

Moo moamohedi ka lebaka la mosebetsi wa hae kapa wa ofisi kapa khiri a tlamehang ho sesa karolo ya letsatsi hole le sebaka sa hae sa tlwaelo sa mosebetsi, ho tla ba le pusetso kapa tjhelete e lefellowang pele bakeng sa ditshenyehelo tseo a bileng le tsona mme tsena ha di amehe ebang moamohedi a dumelletswe sena ke mookamedi wa hae hore a be le dijo le ditshenyehelo tse ding kapa tse ka etsahalang feela bakeng sa karolo eo ya letsatsi mme bokaalo ba ditshenyehelo tseo bo se fete R176.

Alawense ya maeto

Dikgahla tsa kilomitara ka nngwe, tse ka sebediswang ho fumana kgulo e dumellehileng ya maeto a kgwebo papisong le alawense kapa tjhelete e lefellowang pele moo ditshenyehelo tsa nnete di sa tsekwang, di fumanwa ka ho sebedisa tafole ena e latelang:

Boleng ba sepalangwang (ho kenyeleditswe le VAT) (R)	Ditjeo tse tsepameng tsa kilomitara ka nngwe (R p.a)	Ditjeo tsa mafura (c/km)	Ditjeo tsa tlhokomelo (c/km)
0 - 100 000	33 940	146.7	47.4
100 001 - 200 000	60 688	163.8	59.3
200 001 - 300 000	87 497	177.9	65.4
300 001 - 400 000	111 273	191.4	71.4
400 001 - 500 000	135 048	204.8	83.9
500 001 - 600 000	159 934	234.9	98.5
600 001 - 700 000	184 867	238.9	110.5
700 001 - 800 000	211 121	242.9	122.5
tse fetang 800 000	211 121	242.9	122.5

Hlokomela:

- 80% ya alawense ya maeto e tlameha ho kenyeletswa moputsong wa mosebetsi molemong wa ho sebetisa palo ya PAYE. Phesente e fokoletswa ho 20% ebang mongamosebetsi a kgotsofotse hore 80% ya tshebediso ya sepalangwang seo bakeng sa selemo sa lekgetho e tla ba mabakeng a kgwebo.
- Ha ho ditshenyehelo tsa mafura tse lokelang ho tsekwa ebang mosebetsi a sa jara boikarabelo bohle ba ditjeo tsa mafura a sebedisitsweng sepalangwang mme ha ho ditshenyehelo tsa tlhokomelo tse lokelang ho tsekwa ebang mosebetsi a sa jara boikarabelo bohle ba tlhokomelo ya sepalangwang (mohlala: ebang sepalangwang se le tlasa moralo wa tlhokomelo).
- Ditshenyehelo tse tsepameng di tlameha ho fokotswa ka ho lekana ebang sepalangwang se sebediseditse tsa kgwebo nakong ya selemo se tletseng.
- Sebaka sa nnete se tsamailweng ka selemo sa lekgetho mmoho le sebaka se tsamailweng bakeng sa mabaka a kgwebo tse pakahatswang ke bukana ya maeto, di sebediswa ho fumana ditshenyehelo tse ka tsekwang ho alawense ya maeto.

Ka nqa e nngwe:

Moo alawense kapa tjhelete e lefellowang pele e itshetlehileng hodima sebaka sa nnete se tsamailweng ke mosebetsi bakeng sa kgwebo, ha ho lekgetho le lokelang ho leshwa hodima alawense e lefilweng ke mongamosebetsi ho mosebetsi ho ya ho fihla ho R4,76 kilomitara ka nngwe, ho sa natswe boleng ba sepalangwang. Le ha ho le jwalo, mokgwa ona o mong ha o fumanene ebang matshediso a mang a sebopehong sa alawense kapa pusetso (ntle le a ditefiso tsa ho paka kapa tsa di -toll) di fumanwe ho tswa ho mongamosebetsi bakeng sa sepalangwang.

Dikgulo tse ding

Ntle le dikgulo tse boletsweng ka hodimo, motho a ka etsa tseko ya dikgulo feela lekenong la khiro kapa dialawenseng mabakeng a itseng a ikgethang, mohlala, dikolotong tse mpe tse mabapi le moputso.

Melemo ya Mosebetsing

Dipalangwang tsa mongamosebetsi

- Boleng bo kgethiswang ke 3.5% ya boleng bo sebeditsweng (ditjeo tsa tjhelete ho kentswe le [Lekgetho la Boleng bo ekeditsweng] (VAT) kgwedding ka nngwe ya sepalangwang ka seng. Moo sepalangwang:
 - » Se amehang ho tse mabapi le moralo wa tlhokomelo nakong eo mongamosebetsi a se fumanang, boleng bo lefiswang lekgetho ke 3.25% ya boleng bo fumanwang; kapa
- Se fumanwang ke mongamosebetsi se leng ka tlasa lisi ya tshebetso, boleng bo lefiswang lekgetho ke ditjeo tseo mongamosebetsi a bileng le tsona ka tlasa lisi ya tshebetso mmoho le ditjeo tsa mafura.
- Diphesente tse mashome a robedi tsa molemo wa mosebetsing di tlameha ho kenyeliswa moputsong wa mosebetsi molemong wa ho sebeta palo ya PAYE. Phesente e fokoletswa ho 20% ebang mongamosebetsi a kgotsofetse hore 80% ya tshebediso ya sepalangwang seo bakeng sa selemo sa lekgetho e tla ba mabakeng a kgwebo.
- Nakong ya hlahlobo, molemo wa mosebetsing bakeng sa selemo sa lekgetho o fokotswa ke palohare ya sebaka se tsamaetsweng mabaka a kgwebo ka pakahatso ya bukana ya maeto, e arotsweng ka sebaka sa nnete se tsamailweng selemong sa lekgetho.
- Nakong ya hlahlobo ho sa na le kimollo e nngwe ya ditjeo tsa laesense, inshoreense, tlhokomelo le mafura a maeto a praevete ebang ditjeo ka botlalo tsa tsena e bile tsa mosebetsi mme ebang sebaka se tsamaetsweng mabaka a praevete se pakahatswa ke bukana ya maeto.

Dikadimo tse se nang tswala kapa tsa tswala e tlase

Phapang pakeng tsa tswala e lefiswang ho latela sekgahla sa semmuso mmoho le bokaalo ba nnete ba tswala e lefiswang, e lokela ho kenyeliswa sekolokotong sa lekeno.

Bodulo

- Boleng ba molemo wa mosebetsing bo tlang ho kenngwa sekolokotong sa lekeno ke molemo o ka tlase ho o sebeditsweng palo ka ho sebedisa fomula e behilweng kapa ditjeo tsa mongamosebetsi ebang mongamosebetsi a se na thuo e felletseng ya bodulo boo.
- Fomula e tla sebeta ebang bodulo e le ba mosebetsi empa sena ha se sebetse bodulong ba matsatsi a phomolo bo hirilweng ke mongamosebetsi ho tswa ditheong tse sa amananeng le yena.

LEKGETHO LA LEKENO: DIKOPORASI TSA DIKGWEBO TSE NNYANE

Dilemo tsa hlahlobo tse felang ka letsatsi lefe kapa lefe le pakeng tsa la 1 Mmesa 2025 le 31 Tlhakubele 2026.

Mofuta	Sekgahla sa Lekgetho
Dikhampani	27% ya lekeno le kgethiswang

LEKGETHO LA LEKENO: DIKOPORASI TSA DIKGWEBO TSE NNYANE

Dilemo tsa hlahlobo tse felang ka letsatsi lefe kapa lefe le pakeng tsa la 1 Mmesa 2025 le 31 Tlhakubele 2026.

Lekeno le Kgethiswang (R)	Sekgahla sa Lekgetho (R)
1 – 95 750	0% ya lekeno le kgethiswang
95 751 – 365 000	7% ya lekeno le kgethiswang le ka hodimo ho 95 750
365 001 – 550 000	18 848 + 21% ya lekeno le kgethiswang le ka hodimo ho 365 000
550 001 le ka hodimo	57 698 + 27% ya lekeno le kgethiswang le ka hodimo ho 550 000

LEKGETHO LA TJHELETE E KENENG LA DIKGWEBO TSE NNYANE-NNYANE

Dilemo tsa hlahlobo tse felang ka letsatsi lefe kapa lefe le pakeng tsa la 1 Mmesa 2025 le 31 Tlhakubele 2026.

Tjhelete e keneng e tlang ho kgethiswa (R)	Sekgahla sa lekgetho (R)
1 – 335 000	0% ya tjhelete e keneng e tlang ho kgethiswa
335 001 – 500 000	1% ya tjhelete e keneng e tlang ho kgethiswa e ka hodimo ho 335 000
500 001 – 750 000	1 650 + 2% ya tjhelete e keneng e tlang ho lefiswa lekgetho e ka hodimo ho 500 000
750 001 le ka hodimo	6 650 + 3% ya tjhelete e keneng e tlang ho kgethiswa e ka hodimo ho 750 000

TEFISO YA LEKGETHO E ITSHETLEHILENG HODIMA BODULO

HO LEFISWA LEKGETHO HA KUNO E ENTSENG KA MORA THEKISO YA DITH-OTO (CGT)

Kuno ya tjhelete ka mora ho tlohelwa ha thepa le yona e akaretswa lekenong le kgethiswang. Boholo ba sekgahla sa lekgetho se felletseng le se sebetsang ka ho phethahala:

Batho ka bomong le dithraste tse ikgethang	18%
Dikhampani	21.6%
Dithraste tse ding	36%

Diketsahalo tse qholotsang tlohelo di kentse thekiso, nyehelo, phapanyetsano, tahlehelo, lefu le bofalli. Tse latelang ke e meng ya mekgelo e itseng:

- Kuno kapa tahlehelo ya dimiliyone tse pedi e fumanweng ha ho ne ho tlohelwa bodulo bo ka sehloohong;
- Boholo ba thepa e sebedisetswang ditlhoko tsa motho ka boyena;
- Melemo ya peho ya meja fatshe;
- Ditefo tse mabapi le dipholisi tsa sethatho tsa inshoreense ya nako e telele;
- Ho behellwa ka thoko ha selemo ka seng ha R40 000 ya kuno, kapa tahlehelo ya tjhelete - e fuwa batho ka bomong le dithrasete tse ikgethang;
- Ho behellwa ka thoko ha kuno ya tjhelete ke dikgwebo tse nnyane bakeng sa batho ka bomong (bonnyane ba dilemo tse 55) ya R1.8 million ha kgwebo e nnyane e nang le boleng ba mmara ka bo sa feteng R10 million e tlohelwa; mme
- Ho se akaretswe ha selemo ka seng bakeng sa batho ka bomong ekeditswe ho fihlela ho R300 000 selemong sa lefu.

LEKGETHO LA DI-DIVIDENTE

Lekgetho la di-dividente ke lekgetho la makgaolakgang la sekgahla sa 20% hodima di-dividente tse lefilweng ke dikhampani tseo e leng baahi mmoho dikhampani tseo e seng baahi ha ho tluwa ho diabo tse lenaneng la Johannesburg Stock Exchange kapa phapanyetsanong e nngwe e nang le laesense Afrika Borwa. Di-dividente ha di angwe ke lekgetho ebang monga tsona e le khampani ya Afrika Borwa, letlole la peho ya meja fatshe kapa motho e mong ya sa angweng. Beng ba di-dividente bao e seng baahi ba ka kgola molemo ho tswa dikgahleng tse fokoditsweng lekgetho tlasa boemo bo itseng bo et-sahalang ka sewelo. Lekgetho le lokela ho tshwarwa ke dikhampani tse lefang di-dividente, kapa ke bakenadipakeng moo di-dividente di leng diabong tse lenaneng. Lekgetho hodima di-dividente ka mokgwa o mong (ntle le ka tjhelete) le lokela ho leshwa mme le jarwa ke khampani e tsebahatsang le ho lefa dividende ena.

MAKGETHO A MANG A TSHWARANG

Ka sewelo sekgahla se sebetsang sa lekgetho se ka fokotswa ho latela dintlha tsa tumellano ya semmuso le naha ya bodulo le eo e seng moahi.

Diroyalithi

Lekgetho la makgaolakgang la sekgahla sa 15% le kenngwa hodima bokaalo bohle ba diroyalithi ho tswa mohloding wa Afrika Borwa o leshwang bao e seng baahi.

Tswala

Lekgetho la makgaolakang la sekgahla sa 15% le kenngwa hodima tswala e tswang mohloding wa Afrika Borwa o leshwang bao e seng baahi. Tswala ha e angwe ebang e leshwa ke boemo bofe kapa bofe ba mmuso wa Afrika Borwa, banka kapa ebang sekoloto se le lenaneng la phapanyetsano e ananetsweng.

Bathabisi ba matjhabeng le boradipapadi

Lekgetho la makgaolakang la sekgahla sa 15% le kenngwa hodima bokaalo bohle bo leshwang bao e seng baahi bakeng la diketsahalo tse entsweng ke bona Afrika Borwa jwalo ka bathabisi kapa boradipapadi.

Tlohelo ya thepa e sa tsamayeng

Lekgetho la nakwana le tshwarwa boemong ba morekisi wa thepa e sa tsamayeng eo e seng moahi wa Afrika Borwa hore e tle e tsebe ho kwala sekgeo sa sekoloto se tlwaelehileng sa lekgetho bakeng sa bao e seng baahi. Lekgetho le tlang ho tshwarwa ho tswa ditefong tsa bao e seng baahi le sekgahleng sa 7.5% bakeng sa motho ka bomong eo e seng moahi, 10% bakeng sa khampani eo e seng moahi le 15% bakeng sa therasete eo e seng moahi e rekisang thepa e sa tsamayeng.

MAKGETHO A MANG, DIKGafa LE DILEVI

Lekgetho la Boleng bo ekeditsweng (VAT)

VAT e lefiswa ho latela sekgahla sa 15% hodima phepelo ya dithoto le ditshebeletso ke barekisi ba ngodisitsweng. Sekgahla se nyolohela ho 15.5% ho tloha ka la 1 Motsheanong 2025 le ho 16% ho tloha ka la 1 Mmesa 2026.

Morekisi ya etsang phepelo e lefisiwang lekgetho e fetang R1 million ka selemo o tlameha ho ingodisetsa VAT. Morekisi ya etsang phepelo e lefisiwang lekgetho e fetang R50 000 empa e sa fete R1 million ka selemo a ka etsa kopo ya ho ingodisa ka boithaopi. Diphepelo tse itseng di angwa ke sekgahla sa ha ho letho (zero) kapa ha di angwe ke tefo ya VAT.

Kgafa ya Phetiso

Kgafa ya Phetiso ho tloha ka la 1 Mmesa 2025 e leshwa ka dikgahla tse latelang hodima ditransekshene tse sa angweng ke VAT:

Phumano ya thepa/ntlo ke batho bohle:

Boleng ba thepa/ntlo (R)	Sekgahla
1 – 1 210 000	0% ya boleng
1 210 001 – 1 663 800	3% ya boleng bo ka hodimo ho R1 210 000
1 663 801 – 2 329 300	R13 614 + 6% ya boleng bo ka hodimo ho R 1 663 800
2 329 301 – 2 994 800	R53 544 + 8% ya boleng bo ka hodimo ho R 2 329 300
2 994 801 – 13 310 000	R106 784 +11% ya boleng bo ka hodimo ho R2 994 8000
13 310 001 le ka hodimo	R1 241 456 + 13% ya boleng bo fetang R13 310 000

Kgafa ya Mafa

Kgafa ya mafa e lefiswa hodima matlo a baahi mmoho le ntlong ya Afrika Borwa eo beng ba yona e seng baahi ho ntshitswe dikgulo tse dumellehang. Kgafa e lefiswa ho latela boleng bo kgafiswang ba ntlo/thepa ka sekgahla sa 20% hodi- ma R30 million ya pele le ka sekgahla sa 25% ho bo ka hodimo ho R30 million.

Ho dumelletswe kgulo ya motheo ya tjhelete e kana ka R3.5 million sekolotong sa lefa e le kgafa ya thekiso ya lefa hammoho le dikgulo tsa dikoloto, tse nye- hetsweng mekgatlo e tswelang setjhaba molemo mmoho le ntlo e sietsweng balekane ba ntseng ba phela.

Lekgetho la Dinyehelo

- Lekgetho la dinyehelo le lefiswa ho latela sekgahla se bataletseng sa 20% hodima boleng bo hlommeng ba ntlo eo ho nehelanweng ka yona haesale ho tloha ka la 1 Tlhakubele 2018, e sa feteng R30 million, mme ka sekgahla sa 25% hodima boleng bo hlommeng ba ntlo eo ho nehelanweng ka yona hae- sale ho tloha ka la 1 Tlhakubele 2018, bo sa feteng R30 million.
- R100 000 ya pele ya ntlo eo ho nehelanweng ka yona selemo ka seng ke motho ka tlhaho ha e angwe ke lekgetho la dinyehelo.
- Moo molefalekgetho e seng motho ka tlhaho, dinyehelo tse sa angweng di na le moedi o fellang dinthong tse kang dimphong tseo kaofela ha tsona di sa feteng R10 000 ka selemo.
- Diphetisetso tsa tjhelete/ntlo pakeng tsa balekane, sehlopha sa dikhampani tsa Afrika Borwa le dinyehelo tse lebang mekgatlong e itseng e tswelang set- jhaba molemo, ha di angwe ke lekgetho la dinyehelo.

Lekgetho la Phetiso ya Disekhuriti

Lekgetho la dinyehelo le lefiswa ho latela sekgahla sa 0.25% hodima phesente ya disekhuriti tse lenaneng la disekhuriti kapa tse seng lenaneng. Disekhuriti di kentse diabo ka hara dikhampani kapa kgahleho ya ditho ka hara dikoporasi tse kwetsweng.

Levi ya Ntshetsopele ya Boitsebelo (SDL)

SDL e leshwa ke beng ba mesebetsi ka sekgahla sa 1% sa moputso kaofela o leshwang basebetsi. Beng ba mesebetsi ba lefang meputso e sa feteng R500 000 selemo ka seng ha ba angwe ke taba ya ho lefa levi ya ntshetsopele ya boit- sebelo.

Dikabelo tsa Inshoreense ya ho se sebetse

Dikabelo tsa inshoreense ya ho se sebetse di leshwa kgwedi ka nngwe ke beng ba mesebetsi, ho itshetlehlilwe hodima kabelo ya 1% ke beng ba mesebetsi le 1% ka basebetsi, sena se itshetlehile hodima moputso wa mesebetsi ka tlasa bokaalo bo itseng.

Beng ba mesebetsi ba sa ingodisetsang PAYE kapa SDL ba tlameha ho lefa dika- belo ho Khomeshenara ya Inshoreense ya ho se sebetse.

DIKGAPHA TSA TSWALA TSA SARS

Sekgahla sa tswala (ho tloha ka la 1 Hlakola 2025)	Sekgahla
Melemo ya mosebetsing - kadimo e sa lefsweng tswala kapa kadimo ya tswala e tlase ka ranta (sekgahla sa semmuso)	8.5% ka selemo
Dikgahla tsa tswala (ho tloha ka la 1 Tlhakubele 2025)	Sekgahla
Lekgetho le morao ho nako kapa tefo ya lona e sa fellang	11.25% ka selemo
Pusetso ya ho leshwa ho fetang tekanyo ha lekgetho la nakwana	7.25% ka selemo
Pusetso ya lekgetho ka mora katleho ya boipiletso kapa moo boipiletso bo ileng ba ananelwa ke SARS	11.25% ka selemo
Pusetso ya VAT ka mora nako e behilweng	11.25% ka selemo
Tefo ya VAT e morao ho nako	11.25% ka selemo
Bolaodi ba Meedi le Dihlahiswa tsa Naha	11.25% ka selemo

Dintlhakgolo tsa TEKANYETSO


Ha ho tlhophisobotjha hodima dinyehlisetso tsa lekgetho la lekeno la motho ka mong mmoho le diboraketeng tsa lekgetho.



Sekgahla sa VAT se nyoloha ho tswa ho **15%** ho isa ho **15.5%** ka la 1 Motsheanong 2025 le ho **16%** ho tloha ka la 1 Mmesa 2026.



Sekgahla sa ha ho letho (zero) hodima diafala tse itseng tse jewang, dinama tse itseng, metswako e itseng ya mabese mmoho le merohong e itseng e ka hara makanekane ho thusa malapa a futsanehileng.




Nyoloho ya **6.75%** hodima dikgafa tsa dihlahiswa tsa naha tsa dino tsa tahi.



Nyoloho ya of 6.75% ya dikgafa tsa dihlahiswa tsa naha hodima disikara le kwae ya peipi mmoho le 4.75% hodima dihlahiswa tse ding tsa kwae.



Ha ho diphethoho hodima levi ya kakaretso ya mafura le leving ya letlole la dikotsi tsa mebileng.



Kgafa ya Phetiso e hlophisitswe botjha ho bapa le infleishene.



Ha ho kgafa ya ad valorem diselfounung tsa boleng bo tlasana.

